



第二四四册

四庫全書

● 上海古籍出版社

本冊目次

忠 附 蘭 古

肅 庭 穰

集 錄 集 集

明于謙撰……………一

明謝晉撰……………四一九

明李賢撰……………四八一
程敏政編……………

欽定四庫全書

集部
忠肅集
目錄
卷一

詳校官編修
臣翟槐

中書
臣劉源溥覆勘

總校官檢討
臣何思鈞

校對官中書
臣宋枋遠

謄錄監生
臣許溶

欽定四庫全書卷

集部六

忠肅集目錄

別集類五
明

卷一

奏議
北伐類

卷二

奏議
北伐類

卷三

奏議
南征類

欽定四庫全書

忠肅集
目錄

卷四

奏議
南征類

卷五

奏議
雜行類

卷六

奏議
雜行類

卷七

奏議
雜行類

卷八

奏議

雜行類

卷九

奏議

雜行類

卷十

奏議

雜行類

卷十一

詩

欽定四庫全書

史部
目錄

卷十二

序

賦

記

贊

祭文

臣等謹案忠肅集十二卷明于謙撰謙字

廷益錢塘人永樂辛丑進士授御史應官兵

部尚書英宗復辟為徐有貞石亨等誣陷棄

市成化初追復原官弘治初贈特進光祿大

夫柱國太傅謚肅愍萬曆中改謚忠肅事蹟

具明史本傳倪岳撰謙神道碑稱謙平生著

述甚多僅存節卷詩文稿奏議各若干卷禍

變之餘蓋千百之什一云云是其沒後遺稿

已多散佚世所刊行者乃出後人掇拾而成

故其本往往互有同異明史藝文志載謙奏

欽定四庫全書

史部
目錄

議十卷李賓編又文集二十卷又嘉靖中河

南刊本詩文共八卷而無疏議此本前為奏

議十卷分北伐南征雜行三類當即李賓所

編後次以詩一卷雜文一卷附錄一卷與藝

文志所載多寡不合然核其篇什亦已罕所

遺脫蓋編次者分析之不同也謙遭時艱屯憂

國忘家計安宗社其忠義烈烈固已昭著史

冊而所上奏疏明白洞達切中事機尤足規

其經世之畧至其平日不以韻語見長而所

作詩篇類多風格過上興象深遠轉出一時

文士之右亦足見其才之無施不可矣又案

王世貞名卿續記及李之藻皆謂謙嘗再疏

請復儲今集中並無此疏明史亦不著其事

惟倪岳神道碑稱景帝不豫謙同廷臣上章

乞復皇儲是當時所上乃廷臣公疏非謙一

人故集中不載其稿世貞等乃專屬之謙殆

欽定四庫全書

忠肅集

亦考之未審歟乾隆四十六年九月恭校上

總纂官臣紀昀臣陸錫熊臣孫士毅

總校官臣陸費曄

欽定四庫全書

忠肅集卷一

明于謙撰

北伐類

兵部爲陳言邊務事該鎮守大同叅將都督僉事許貴

奏查得正統十四年十二月內節該欽奉詔書內一款

朝廷求言本欲開書道和警戒凡四方災異事干國體

者所在官司即時聞奏欽此欽遵臣照得大同三路自

舊歲七月以來至今達靼不時攻圍四散搶掠臣守西

欽定四庫全書

忠肅集

路地方又係緊關衝要敵行四通道路節次侵犯攻圍

臣領所部官軍相機截殺追趕累次奏報外切見邊城

軍民赴空樵採柴草搶割田禾度日不爲經常之道即

目正當農種之時雖令各人照舊耕種但聞邊報不時

舉放砲火人心驚恐自不安生況今達靼聚集人馬衆

大少者五七十多者一二萬整陣入境攻圍各城在邊

軍民人等不敢出城樵採收割又無經營各衛倉廩舊

歲民間該納秋夏糧料草束爲因路阻運送不前見在

欽定四庫全書

忠肅集

邊儲官軍馬匹按月支給有減無增再照西路五衛馬隊原有官軍四千九百二十員名先於乾河等處與達紐對敵陣亡中半回衛見在者又有被傷旗軍告令弟男替代俱係未經採習戰陣之人舊役慣戰馬軍十無三四又況見在馬匹止有二千一百餘匹中間多有新倒借勸收買兒騾小馬不堪騎戰十有三比與原舊馬數缺少二千八百餘匹及照本年二月內臣差千戶張鑑管領無馬官軍一百八十一員名前去墳嶺墩設伏有敵到墩攻圍未戰之時內有敵騎三人通曉漢話叫稱我一箇是女直同知一箇是浮石叅謀一箇是哈密指揮我來近墩打話你每聽著要講和著管你每的大頭目奏將去連夜差使臣來我每便回去你若不來講和我每三班人馬輪流打攪你不得種田等因已行具本奏報外今敵聚衆復入境內擾攘軍民不得耕種切慮四月以後青草茂盛倘若敵勢衆大就於腹裏駐劄趁草牧馬城門關閉人不得推採馬不得牧放欲便與

欽定四庫全書

忠肅集

師戰鬪尤須量已料敵設若寡不敵衆如之奈何臣一介魯夫昧於戰守誤蒙聖恩濫叨今職晝夜懷憂不能補報伏望皇上憐憫在邊軍民乞勅在廷內外文武大臣將前項打話敵人要行講和情由從長計議便利上策分免聖主之憂臣之愚見莫若遣使責勅與彼假以和好爲詞暫示休兵照舊修飭墩臺廣積邊儲練習士卒飽養馬匹密定討伐之計若彼仍復逆天背理侵犯邊城我既有備以逸待勞守邊將官運謀出奇統率銳士奮力復仇務在一鼓而擒之必矣具本該通政使司官奏奉聖旨兵部知道欽此抄出到部查得先該福建道問刑監生練綱題稱在廷文武羣臣中間有以主和議爲詞即是奸臣就乞誅之勿留誤國等因節該奉欽依他說的是欽此續該迤北走回軍餘陳旺等說稱要差內使一人通事五十人去迎太上皇等因本部係係重務乞會多官計議節該題奉欽依敵情譎詐不必會官計議欽此欽遵今都督僉事許貴又奏要與彼講和

欽定四庫全書

忠肅集

四

曾示休兵待人馬強壯密定討伐之計一節切詳敵首
額森達天悖德負義忘恩自逞梟獍之雄烏合虎狼之
衆既侵犯邊境而拘留上皇復入寇京畿而震驚陵廟
其爲仇恨庸可勝言且以和議一事論之當去年秋冬
之間正敵勢方張之際朝廷亦嘗遣都指揮李鐸指揮
岳謙等齎執金繒往使邊庭賄賂纔入於穹廬敵騎已
至於闕口繼遣少卿王榮通政王復又往敵營不見上
皇驚與而還彼衆知我戰守有備尊皆望風遁去朝廷

欽定四庫全書

忠肅集

四

灼見敵情謫詐和不足恃以故絕使不通往還惟勅邊
將修武備勵人心固守城池相機戰守今許貴又奏和
議之說臣等竊惟今日之事理與勢皆不可和何者今
我與彼有不共戴天之讐和則背君父而忘大義此理
有所不可和也又敵人貪而多詐萬一和議既行而彼
有無厭之求非分之望從之則不可違之則速變此勢
有所不可和也苟以爲敵強難制姑從和以緩其兵臣
等請質之前代宋真宗澶淵之役契丹之衆累被我兵

欽定四庫全書

忠肅集

五

推阻既盟之後朝廷尚歲輸銀絹三十萬兩足追及李
世徽欽北狩中國名將如張韓劉岳之徒屢敗金師及
奸臣秦檜一主和議朝廷既割境土以與之又輸歲幣
以賄之甚則不得已降去尊號其爲含垢忍恥屈已從
和固無所不至卒之人心解體國勢陵夷無救成敗而
後已援古證今和議之不足恃也明矣爲今之計莫若
選將練兵養威蓄銳彼若來侵則相機而勒殺彼若遠
遁不貪利以窮追萬一敵寇罪惡稔盈鬼啓其衷復有
大舉入寇之謀則我兵操習有素加以將帥思奮臣等
當盡死効力以圖勦滅以雪國恥必不至出彼之下其
或皇天厭亂列聖有靈使彼自知數寇不利變惡爲善
遣使入貢則示以善意量與賞賜遣回亦不拒絕而已
若欲朝廷先遣使臣往彼通好則示彼以弱而啓其輕
侮之心萬萬不可此則方今之要務而臣等之愚見止
於如此也及照許貴叨居重任保障邊方不能銳意滅
敵却乃倡爲和議畏縮之跡既明忠義之心何在合將

本官明正典刑以謝天下以戒將來緣係陳言事理人係備邊將官合無姑記其罪差人馳驛賫文切責許貴令其整飭邊務操練軍馬作興士氣固守地方必期滅敵以贖前罪如仍退縮誤事治以重罪仍通差人賫文前去遼東宣府大同陝西等邊及永平山海居庸白羊紫荆倒馬等關口總兵鎮守等項內外官員令其整搦人馬固守地方如遇外兵來攻務要相機行事毋得聽信哄誘因而失誤機務仍通行在京五軍三千神機等營總督總兵等官嚴加訓練官軍諭以忠義大節使之感激思奮以圖成功不許苟且因循致誤大計緣奉欽依兵部知道事理具題景泰元年四月十九日奉聖旨是欽此

兵部爲邊務事內府抄出鎮守大同太監陳公題審得生擒達韃指揮布斯台供係克勒奇蘇人先因往衛拉特進貢就留在彼住坐會跟隨烏魯斯并察展三次來朝比先下番使臣回還之時額森安排筵席與馬清馬雲

欽定四庫全書

嘉靖集

六

欽定四庫全書

嘉靖集

七

送路令從人歌唱作樂有馬清等說不希望我回去討一班笙簫細樂會唱的婦人來與你額森聽言歡喜後次又有使臣到彼和番額森令兒子出來勸酒有使臣亦說好與中國結親我回去奏知務要成事額森就進馬三匹不期使臣回去不見結親事情又無歌唱婦女因此發怒領兵前來廝殺現今在於小黃河駐劄時常發遣哨馬或多或少往南探聽聲息搶掠人口頭畜今次聞知石總兵領三十萬人馬要往迤北征進額森令其弟賽罕王領一萬餘人牽騎馬二三萬匹前來緝探知得石總兵止領人馬三萬已回五日去訖來時額森分付就看腹裏人民種田不種各處城池有軍無軍又說額森時常議論不見中國差人講和若講和了時只差一二百回子將下番官軍并先搶人口分一半送太上皇回去若不講和一發般取家小就在沿邊住劄搶掠不回額森人馬通不及四萬餘人托克托布哈已回去了屢差人勸額森回還也先說稱中國整理軍馬要來

欽定四庫全書

忠貞集

廝殺恐怕各枝人回散了急難再聚又說下邊小人兒心裏想家要回還老窩裏去審供得此行間又據節次被擄走回男子鄭道童等亦稱額森弟兄領人馬來大同答話相和若不和時五六月連老小都來大同周圍住坐七八月往大都十一月往寧夏搶掠又說要將搶得犁鏑安上木柄攻砲應渾懷仁等處土地等因會同總兵官定襄伯郭登叅謀軍事左都御史沈固右叅將潘興議得自景泰元年四月二十三日達艱入境往南去後至今未回除差夜不收人等分投緝探及飛報武清侯石亨太監裴當等知會隄備外緣係敵情及傳報聲息具本差夜不收王鎖兒等於本月二十六日起程賁奏至二十八日早有王榮等回報行至聚落驛忽遇達艱數騎趕散王榮同馬夫張彦友被其剝去衣服奏本四封亦被搶去棄馬藏躲得脫回還內王鎖兒不知下落今將前奏情由具本差夜不收齊二敢勇餘丁鄧斌親賁具題該本部官欽奉聖旨兵部看了來說欽此

欽定四庫全書

忠貞集

又該征西前將軍鎮守大同總兵官定襄伯郭登等亦題前事通抄到部叅照各官奏稱比先下番使臣馬清馬雲曾許其長額森討筭蕭細樂會唱婦女及以後使臣到彼和番又許額森與中國和親一節除以後使臣別無開到年分職名無憑叅擬外臣等切見比年以來因托克托布哈王并太師額森等年例遣人朝貢朝廷厚加禮遇遣使報聘以示恩信篤和好也豈期差去使臣止知貪利以肥家不思屈節而辱國於敵情之虛實畧不以聞禮義之大節全不服顧及回還復命又復架捏虛詞誇大張皇肆為欺罔甚至透漏消息而陰結敵人妄報根脚而希求陞賞以致外番放肆有輕中國之心邊境不寧釀成今日之禍今照馬清馬雲前項辱命緣由雖係擒獲達艱布斯台所說未可憑信然此事中外臣民知之已久事不妄傳必有所自若不明白處治無以痛快衆心合將馬清馬雲拿送法司嚴加勘問明白奏請定奪處治庶使典法昭明臣民稱快其言敵首額

森說稱若中國差人講和送太上皇回來等因顯是違
輒益逞奸詐之謀故爲誕妄之說誘我邊將弛我邊備
假以講和爲名意在乘虛深入合無差人馳驛賁文與
大同總兵官定襄伯郭登等同守備鴈門偏頭等關都
督同知等官杜思等嚴加訓練官軍用心守禦城池倘
遇番兵侵犯務要効死盡力隨宜守戰不許聽信哄誘
失誤事機仍令郭登等差人密切跟尋原差奏事人王
鎖兒得見下落通行具奏及照差來夜不收齊二敢勇

欽定四庫全書

卷一

十

餘丁鄧斌不避艱險奏報聲息勞苦可憐合無俱量陞
一級以勵將來緣奉欽依兵部看了來說事理具題景
泰元年五月十一日奉聖旨是欽此

欽差總督軍務少保兼本部尚書于謙爲預定安邊事
照得宣府大同地方即目達靼侵擾去來不常或攻圍
城池或剽掠人畜或以輕騎襲我輜重或以人少誘我
官軍聲東擊西出此入彼邊民不得耕種士馬不得休
息臣切料近曰必欲搔擾大同宣府使之公私匱乏不

欽定四庫全書

卷一

十

能固守此其奸計不淺有必來侵犯京師之意今朝廷
所倚任者石亨楊洪溥孫鏗衛顥范廣張軌數臣其
次則署都督僉事張義雷通諸人今敵勢猖獗邊務方
殷京師軍馬雖操練頗有次第然萬人之命懸於一將
將有必戰之心則士有効死之力苟計不先定心不齊
一彼此異見而將無必戰之心上下隔絕而士無効死
之力緩急之間恐誤大計伏望皇上聖明乞勅石亨楊
洪溥孫鏗衛顥范廣張軌張義雷通等各陳已見以
爲今日敵勢如此邊務弗寧當何處置萬一侵犯京師
或近畿甸州縣及山西等處地方當何設法戰守或除
戰守之外別有何策可以安邊保民不須會同計議文
飾虛詞務在各出己長直言無隱令石亨等各另具題
封進皇上聖斷采擇其可行者請勅各官遵守施行若
是果有窒礙亦聽各官陳奏必期上爲朝廷分憂下爲
邊境除患不許面爲承順退有後言敵至互爲異同以
悞國家大計况耕當問農織當問婢今日之事若不責

成於石亨楊洪諸人而欲以臣等書生之淺見以爲議
論則是徒爲紛紛而未能濟事也臣材庸劣叨掌兵
機切見方今邊務誠爲危急計慮預防間不容髮萬一
事無豫定倉卒生變臣雖萬死不足以贖謹陳愚見伏
候聖裁具題景泰元年五月十四日奉聖旨說的是宣
府大同乃京師之藩籬敵情猖獗各處剽掠使我士馬
疲困若不預爲處置愈生邊患便著他等各思長計如
何安妥開寫來看欽此

欽定四庫全書

忠貞堂

十一

兵部爲邊務事兵科抄出總兵官武清侯石亨題欽奉
會同彼處總兵等官計議挑修溝壠擺布營陣築立墩
臺撥哨隄備但見倉場糧料數少馬草全無今雖要官
儲運爲因敵騎犯邊聲息不絕糧道阻滯大同并應州
等處糧草纔勾三萬餘石束恐被大軍食用消費大同
官軍日後缺乏愈難存住臣會同太監裴當石僉都御
史任寧計議將原領官軍於內挑選次等馬步官軍共
一萬五千餘員名委都指揮田貴等管領前去易州保

欽定四庫全書

忠貞堂

十一

定等處收放住劄已行具奏外乞勅該部計議合無將
前項官軍調取回京惟復只在保定等府有糧去處操
守遇有番兵過山侵犯京師臣等就便調領往衝要路
口隄備會合京軍夾攻勦殺庶保萬全倘欲再添調大
兵前來大同糧草十分欠缺不可輕易及山西民壯亦
合暫且存留代州令都指揮翁信提調操練候有警急
調取策應庶爲兩便係干邊情具題該本部官欽奉聖
旨兵部看計議停當來說欽此欽遵抄出到部叅照武
清侯石亨奏稱彼處糧草不敷已將原領馬步官軍挑
選一萬五千餘員名令都指揮田貴等率領回還保定
易州有糧草去處操守收放遇有敵兵侵犯會合夾攻
一節切詳足食者足兵之道治內者攘外之本今既本
處糧草供給不前而京師亦當增兵操守合無將前項
退回官軍不必在於保定等處屯駐令該府差人沿途
催趕田貴等就令率領赴京操練隄備不許在途延緩
及照大同地方係西北重地合當嚴謹守備今本處所

欽定四庫全書

忠肅集

十四

積糧儲有限日逐支用無窮又兼馬草全無措辦而敵情譎詐倘聞知石亨等率領大軍在於大同城內住劄分遣餘衆剽掠牽制我軍使其內外隔絕應援不繼意在乘虛寇襲趁此青草未發之時番人馬匹瘦弱之際若不設法處置非惟師行日久而財用匱乏抑且京師有警而缺人調用合無請勅石亨令會同彼處總兵鎮守等項內外官員定襄伯郭登左都御史沈固僉都御史任寧太監陳公等從長計議如果彼處邊備整理已

欽定四庫全書

忠肅集

十五

鴈門關副都御史朱鑑都指揮翁信等調度操練遇警調用仍加意撫恤不許親管官員人等生事虐害因而逃竄緣奉欽依兵部看計議停當來說事理具題景泰元年四月十五日奉聖旨是欽此

兵部爲備邊保民事戶科抄出都察院司務陳典庸題近蒙兵部題准以臣所言防邊禦兵恢復仇讐事件俱各有理令赴大理寺卿孔文英都督同知顧興祖處計議備邊方略臣自到關以來所見達靼經過去處草房焚燒人跡蕭疎十室九空逃亡未復追惟往事實是寒心但以識淺才疎言輕行寡不足以救目前之急然以大勢觀之今易州蔚州渾源昌平等處近邊百姓自去歲被達靼殺掠人口搶去頭匹至今警急雖有城郭山寨聊且安身而口外屢報聲息未得安居即今五月將終天氣亢旱種子少布何敢望收恐至失所朝廷難盡賑濟又且各口軍士微弱不堪持重衣甲器仗尚有未全倘使達靼乘虛深入雖不敢輕犯邊關未必不侵擾

邊民近聞大同等處城門日閉樵牧斷絕四境之外俱
爲兵衝人民乏食何以全生况兼兵掠中原婦女更多
遂成生育不過數年其數數十倍矣其無涯之繫可不
爲之遠慮乎爲今之計貴在宣揚威武慎守封疆以固
國本合無於宣府大同等處廣儲糧草似若防秋仍勅
總兵官各率大軍於極邊去處屯駐運勦此誠切於事
體非惟應援京師其實保障中原使達韃遠遁而不敢
再肆侵掠此亦兵家計畫之一端也至於復讐姑待事

欽定四庫全書

卷一

七

集然後別舉但恐變詐多端遲留竊發果於深入不待
秋高馬肥則必藉此二軍部曲堅重迭相犄角一則畏
我躡其後二則畏我搗其虛使彼計窮力疲不能偷踰
宣府大同之險而來設使二處無備勢必內驅不獨邊
民被其殘擾抑且中原爲其驚恐臣愚不足以計邊務
伏乞聖斷於短中取長而行之緣係邊備保民重務不
敢緘默具題該通政使司官奏奉聖旨說的理當備邊
禦敵國之重事宣府大同切近京師達韃恃其輕騎在

彼剽掠朕慮邊患如此便著戶部兵部計議糧草如何
措辦軍馬如何戰守只在今秋事有成效邊境寧息務
要區畫停當上緊來說欽此欽遵抄出到部除糧草戶
部另行外叅看得陳典庸奏稱要令總兵官各率大軍
於極邊去處屯駐運勦一節臣等切詳防邊禦敵之策
固在於增兵然必食足而後可以戰守也今照宣府大
同係西北重鎮合當遣將增兵協濟守備但彼處各城
所積糧儲不繼聲息緊急欽命鎮朔大將軍總兵官武

欽定四庫全書

卷一

七

清侯石亨等往大同整飭邊備命遊擊將軍都指揮同
知楊能總兵官都督同知范廣等往宣府巡視懷來一
帶爲因糧草不足以給軍馬難於駐劄以此將范廣石
亨等取回存留楊能在彼巡哨及遊擊將軍都指揮僉
事石彪又將所帶官軍內威遠衛留一千馬邑所留六
百山陰所留五百員名今歲暑方隆之際石亨等初回
之時軍馬之勞困未甦道路之供餉未備若再選將調
軍前去宣府大同屯駐非惟二處糧儲愈爲耗盡抑且

欽定四庫全書

忠肅集

十六

虛勞士馬迄無成功及查宣府大同在城官軍亦勾守備而京城守禦爲重軍馬未可輕動合無行移該府差人馳驛賞文與朱謙郭登等令其整飭人馬固守地方遇敵來攻務要相機守戰若是敵人深入亦要計度邀截設謀襲取以成夾攻之勢而圖勦滅之功既不許畏縮而拘於守備亦不許輕易而果於追逐務在計出萬全事無一失仍行紫荆倒馬白羊偏頭鴈門等關口守備官員及鎮守易州等處總兵等官都督同知劉安右

欽定四庫全書

忠肅集

十七

悞大事如違治以重罪緣節該奉欽依務要區畫停當上緊來說事理具題景泰元年五月二十七日奉聖旨是欽此

兵部爲緊急軍情事內府抄出鎮守大同西路右少監韋力轉題景泰元年五月十七日十八日達韃臨城攻圍臣同右叅將許貴二次出兵殺敗番衆往東去訖十九日據被虜放回餘丁劉四說稱達韃四千八馬在於本城迤東二十里住劄牧馬說額森兄弟到六月初一日前來大同講和就送大明皇帝來大同住坐鐵頭太師坐右衛右頭城托克托太師左衛左頭城放回你去將這番字一紙箭一枝送與你城裏諾延知道等因又多寫下牌檄分占牧馬地方緣係番字還情不敢緘默今將番字箭枝共進具題該本部官欽奉聖旨兵部知道欽此欽遵抄出到部叅照所奏顯是敵首額森等假以送太上皇爲名詐令餘丁劉四回還傳說意在緩我邊備以圖乘虛襲取若不預爲隄備誠恐倉卒之間彼處

鎮守總兵等官智慮不及處置乖方有誤大事合無請
勅太監陳公定襄伯郭登左都御史沈固等公同計議
如法整搦軍馬撫綏人民晝夜隄備固守城池如遇敵
人率眾到於城下務要相度敵情緩急事勢可否以爲
守戰凡一應事務當以朝廷宗社爲重不可聽信哄誘
因而失誤大事果有別項難以處置事情星馳差人作
三四起賫本具奏定奪以防中途銜截疎虞之患務在
十分用心毋得怠忽誤事緣係區處邊務及奉欽依兵
部知道事理具題景泰元年六月初九日奉聖旨是欽
此

欽定四庫全書

忠肅集

王

兵部爲聲息事內府抄出鎮守宣府等處內官監左監
丞栢玉題景泰元年四月二十一日辰時據夜不收呂
關兒等走報本月二十日卯時有達靼三百餘人馬從
石峰口入境隨即放砲二箇關兒等那往北山潛伏瞭
見番人到關將南北門樓二座放火燒毀又有番人哨
馬五十餘騎到於洪贊口本日申時各番仍從石峰口

出境去訖據報得此臣會同總兵官左都督朱謙等議
係番人出沒事理除行都督范廣并守備懷來永寧都
指揮楊信等整搦軍馬相機行事及行沿途哨守官軍
嚴加隄備外具題又該提督軍務右副都御史羅通鎮
朔將軍總兵官左都督朱謙等俱題前事該本部官欽
奉聖旨范廣羅通於懷來駐劄相離長安嶺路途不遠
達靼入境折開邊牆燒毀門樓又縱容出去兵部看了
來說欽此欽遵通抄到部案查先爲達靼入寇已經具

欽定四庫全書

忠肅集

王

奏欽命都督同知范廣充總兵官都察院右副都御史
羅通提督軍務率領馬步官軍二萬一千員名前去勦
捕續該羅通題稱宣府節報聲息動稱幾萬餘騎官軍
到彼不過一二百餘軍哨則去軍回則來意在疲憊我
師今口北天色高亢青草未長舊草尋盡合無班師回
京等因本部又經議擬奏准行令羅通公同范廣等從
長計議如果本處邊情不甚緊急所蓄糧草支給不敷
所帶官軍應合同還就便全軍憂營而還若聲息緊急